

(Scheda: 'N Tabächistà sè Marca)

Texteu sür la peintagha: In 2005, l'Imperiüm Britanic füt d'amnitsch, es dels citaxhiens utphätseshti antoarnevent in els straiteux. Muiteux da lhor füt Máxhars (non els straiteux, mas els citaxhiens utphätseshti). Ingenvej, muiteux d'acestilor Máxhars venevent ainciün tabächistaes sè marcas à comprarh dals cigaretas...

'N touristà Máxhar proxima el Clarqeu. El touristà cita þautindmint d'iens cudesch dals fraças.

Máxhar: Non comprarhéu acest disc. C'e scarflat.

Clarqeu: ¿Eh?

Máxhar: Non comprarhéu acest disc. C'e scarflat.

Clarqeu: Non, non, non. Eu sint 'n tabächistà.

Máxhar: ¡Ah! Non comprarhru acest *tabächistà*. C'e scarflat.

Clarqeu: Non, non, non, non. Tabäc... um... cigaretas. (*zischapezina 'n azanviéu*)

Máxhar: ¡Jä! ¡Ci-ga-re-tas! ¡Jä! Ah... Va voltigeir isch pien d'anguighas.

Clarqeu: ¿Qet?

Máxhar: Va voltigeir (*xhesticula röchind*) ... isch pien d'anguighas. (*praitença àð enfe'uçarh 'n lucifeir*)

Clarqeu: ¡Ah! ¡Lucifeirs!

Máxhar: ¡Jä! ¡Jä! ¡Jä! ¡Jä! ¿Volt-tuuuu... ¿Volt-tuuuu... revienarh à va pläts, salta-salta?

Clarqeu: Nu, non penséu qe uçás't aceasta cosa corectmint.

Máxhar: Tu grült puff.

Clarqeu: Costarha sex es sex, perf.

Máxhar: ¿Schi ziradréu qe tu tent 'n corputz frumoaseu, en setadrás't adelmás me? Eu... Eu sint non pü infectat.

Clarqeu: Ah, ¿put-éu? Ah... Costa sex es sex... ah, aici'st. *Bast saaiba a curva agnaadat.*

El Máxhar snufa el Clarqeu.

Àl quand, 'n Flüic sür 'n straiteu cidinour seta sieu ma à sieu aureglha, sa schi o tent auscultat 'n cridaziun d'adróiceac'h. O ritxa muiteux blocs, es àl fim entra el tabächistà sè marca.

Flüic: ¿Qet paða aici?

Máxhar: Ah. Tu tent dals cuoißas frumoasas.

Flüic: (*risguardind-se*) ¡¿QET?!

Clarqeu: ¡O me frapeva!

Máxhar: Laßetz tombarh tuns pantadas, Segnor Vitxalmour; eu non put atendarh per la miðziueziun. (*püntaça àl Clarqeu*)

Flüic: ¡VRÄTS! (*sura el Máxhar ut par el bräts*)

Máxhar: (*stugnind*) ¡Vas piepts darc'hent avetz deliça!

(La scheda cambia à iens palapìa da xhusticia. Toct dels caractréux apoartent dels coifüirs puivats es dals togas xhüdeschen salva qe l'Istacelstva es el Flüic.)

Conductour: Clametz àð Alexandreu Ialt.

(Dels voces cantitent el num severais temps.)

Cadi: Oh, ¡taiçetz!

Conductour: (*àl Istacelstva*) ¿Voi estetz Alexandreu Ialt?

Istacelstva: (*cantind*) Üc, eu sint.

Conductour: Ostetz las inposuaziuns. ¿Voi estetz Alexandreu Ialt?

Istacelstva: Eu sint.

Conductour: Voi estetz scharxhat perventüra qe, sür li 28. Mai dallas 2005, voi voluntarmint, illegalmint es cün dal malvaista planada, püblichev'iens cudesch uschedat dals fraças Máxhars es Talossaes avetz l'intent à cauçarh 'n prevaricaziun del päx. ¿Come plaidetz-voi?

Istacelstva: Non cupaval.

Conductour: ¿Vivetz-voi à 2963 Avenû Prospecteu

Istacelstva: Vivéu à 2963 Avenû Prospecteu.

Conductour: ¿Voi estetz el zirecteir d'iensa cumpagnà püblichind?

Istacelstva: Eu sint el zirecteir d'iensa cumpagnà püblichind.

Conductour: ¿Voastra cumpagnà pübica dels cudeschen dals fraças?

Istacelstva: Va cumpagnà pübica dels cudeschen dals fraças.

Conductour: ¿Voi zirevetz 2963 Avenû Prospecteu, non c'e vräts?

Istacelstva: Üc.

Conductour: (*frapa 'n gong*) ¡Ah, l'inluseveu!
(*L'Avocet es el Flüc aplauçent es cacalaßent.*)

Cadi: En continuetz, continuetz.

Conductour: C'e brä. Süri li 28. Mai, voi püblichevetz acest cudesch dals fraças.

Istacelstva: Üc.

Conductour: Citarhéu viens exampal. La fraça Máxhar qi volt zirarh "¿Povetz-voi zirectarh-me à gara?" isch glheþinada par la fraça Talossan: "Perf amistüsa va ciol."

Istacelstva: Veladréu plaidarh l'uncompetingù.

Flüc: (*surga*) Perf, put-éu ascarh piedarh astelamaintsch, va domnul?

Cadi: ¿'N astelamaintsch? ¡Certamint non!
(*El flüic aßeta 'n altreu fäts, emestind get sà'starh c'e la relaschaziun la phü lung es la phü inalt da gäs corputzesc in la þistoria dal univerçù.*)

Cadi: ¿Perqet non zirevetz ÚTQET velevetz 'n astelamaintsch?

Flüc: Non säpeveu 'n fraça lexhital acceptaval, va domnul.
(*film ancient d'iensas anuglhas aplauçinds*)

Cadi: (*averberind sieu martal*) Schi ja ingen mhor film proviziunat dals anuglhas aplauçinds, clariçarhéu el cort.